



Барча департамент директорлари ва мустақил бошқарма бошлиқларига

Барча филиал бошқарувчилари  
ва МАБ бошлиғига  
(нусахаси филиал юристига)

Сизга “Туронбанк” Бошқарувнинг 2020 йил 20 мартдаги 27–сонли қарори билан тасдиқланган ““Туронбанк” АТБда мавжуд халқаро пул ўтказмалари шохобчалари орқали пул жўнатмасини амалга оширинг ва “Chevrolet Nexia III” автомобилени ютиб олиш имкониятига эга бўлинг” номли акция ўтказиш Тартиби (ички меъёрий ҳужжат рўйхат рақами №798) (электрон почта орқали) юборилмоқда.


Мазкур тартибни Марказий банкнинг амалда бўлган №501-сонли «Ўзбекистон Республикаси ҳудудидаги банклар томонидан меъёрий-ҳуқуқий ҳужжатлар билан ишлаш, ижрочиларга етказиб бериш, уларни ўрганишни ташкил этилиши юзасидан назоратни ўрнатиш борасидаги услубий кўрсатмалар»и талаблари асосида рўйхатга олиш, ижрочиларга етказиб бериш, март ойи техник ўқувлар режасига киритиб, банкнинг барча ходимларининг ўрганишини ташкил этиш ва амалдаги рўйхатига киритишингиз ҳамда тегишли йиғмажилдларга тикилган ҳолда сақланишини таъминлаш вазифаси юклатилади.

Илова:\_\_\_ варақда

Методология бўлими бошлиғи

 Н.Мухиддинов

Ижрочи: У.Султонова  
Тел: 168, 169



**«ТУРОНБАНК» АКЦИЯДОРЛИК ТИЖОРАТ БАНКИ  
БОШҚАРУВИ ҚАРОРИ**

«20» сентябрь 2020 йил

№ 27

Тошкент ш.

**““Туронбанк” АТБда мавжуд халқаро пул ўтказмалари шохобчалари орқали пул жўнатмасини амалга оширинг ва “Chevrolet Nexia III” автомобилни ютиб олиш имкониятига эга бўлинг” номли акция ўтказиш Тартибини тасдиқлаш ҳамда ютуқли акция ўтказиш юзасидан**

**Бошқарув қарор қилади:**

1. “Туронбанк” АТБ Чакана хизматлар кўрсатиш департаменти директори Б.Васихановнинг ““Туронбанк” АТБда мавжуд халқаро пул ўтказмалари шохобчалари орқали пул жўнатмасини амалга оширинг ва “Chevrolet Nexia III” автомобилни ютиб олиш имкониятига эга бўлинг” номли акция ўтказиш Тартибини тасдиқлаш ҳамда ютуқли акция ўтказиш тўғрисидаги маълумоти ахборот учун қабул қилинсин.

2. ““Туронбанк” АТБда мавжуд халқаро пул ўтказмалари шохобчалари орқали пул жўнатмасини амалга оширинг ва “Chevrolet Nexia III” автомобилни ютиб олиш имкониятига эга бўлинг” номли акция ўтказиш Тартиби иловага мувофиқ тасдиқлансин.

3. “Туронбанк” АТБ тизимида Чакана хизматлар кўрсатиш соҳасини янада ривожлантириш, мижозларни кўпайтириш ҳамда банкнинг 30 йиллигини муносиб нишонлаш ва мижозларни рағбатлантириш мақсадида, жорий йилнинг 1 апрель санасидан 2020 йил 20 октябрга қадар акция ўтказилиши ҳамда ғолиб мижозга банк томонидан жорий йилнинг 6 ноябрь куни Бош банкнинг биносида тантанали равишда топшириш ишларини ташкил этиш вазифаси Бошқарув Раиси ўринбосари А.Т.Рискулов, Чакана хизматлар кўрсатиш департаменти (Б.Васиханов), Банкни стратегик ривожлантириш ва маркетинг департаменти (Ф.Рузикулова) ҳамда Ишлар бошқармаси (А.Шаққулов) зиммасига юклатилсин.

4. Банк аппарати (И.Саламов) зиммасига мазкур Тартибни барча департамент, мустақил бошқарма ҳамда филиаллар(МАБ)га ижро ва ишда амал қилиш учун юбориш вазифаси юклатилсин.

5. Бухгалтерия ҳисоби ва молиявий ҳисобот департаменти (Ш.Бозоров) акция ўтказиш билан боғлиқ бўлган барча харажатлар учун тўловларни ўрнатилган тартибда ва ўз вақтида ўтказилишини назоратга олсин.

6. Ходимлар билан ишлаш департаменти (Ш.Ибрагимова) зиммасига акция натижалари бўйича ютуқ эгасини аниқлаш мақсадида махсус комиссия ташкил этиш вазифаси юклатилсин.

7. Комиссиянинг асосий вазифалари қилиб қуйидагилар белгилансин:

- акциянинг шаффоф ва ҳаққоний бўлишини таъминлаш;
- ўтказиладиган акция бўйича оммавий ахборот воситалари ва интернет сайтларида эълон бериш;
- акция ҳолибини аниқлашни замонавий ахборот технологиялари воситаларидан фойдаланган ҳолда инсон факторларининг аралашувисиз амалга ошириш;
- акция ҳолибига совринни тантанали равишда топширишни амалга ошириш.

8. Чакана хизматлар кўрсатиш департаменти (Б.Васиханов) “Туронбанк” АТБ тизимида халқаро пул ўтказмалари орқали амалга оширилган транзакцияларни ҳамда қўшимча маълумотларни умумлаштириб, комиссияга ахборот бериш ва акция якунлари бўйича барча хужжатларни тақдим этиш вазифаси юклатилсин.


9. Ишлар бошқармаси (А.Шаққулов) зиммасига ютуқли акция учун асосий ютуқ бўлган “Chevrolet Nexia III” (4 позиция) маркали енгил автомобилни сотиб олиш, уни банк биносининг олд қисмига жойлаштириш вазифаси юклатилсин.

10. Банкни стратегик ривожлантириш ва маркетинг департаменти (Ф.Рузикулова) банк томонидан ўтказилиши режалаштирилаётган ютуқли акцияга бағишланган реклама ролики суръатга олиниб, оммавий ахборот воситалари орқали кенг оммага тарғиб этиш ва тақдирлаш маросимини ўтказиш чораларини кўриш, комиссия иштирокида **random.org** сайти орқали ютуқ эгасини аниқлаш вазифаси юклатилсин.

11. Барча филиал(МAB) бошқарувчилари зиммасига ҳудудий оммавий ахборот воситалари орқали реклама роликни кенг оммага тарғиб этиш вазифаси юклатилсин.

12. Ушбу қарор ижросини назорат қилиш вазифаси вазифаси Бошқарув Раиси ўринбосари А.Т.Рискулов зиммасига юклатилсин.

**Бошқарув Раиси**

 **Ж.С.Мирзаев**

498 - сон билан

рўйхатга олинган

"Туронбанк" АТБ

Бошқарувининг

2020 йил "20" март даги

27 - сонли Қарори  
билан

"ТАСДИҚЛАНГАН"

**“«Туронбанк» АТБда мавжуд халқаро пул ўтказмалари  
шоҳобчалари орқали пул жўнатмасини амалга оширинг ва  
“Нексия 3” автомобилни ютиб олиш имкониятига эга бўлинг”  
номли акция ўтказиш Тартиби**

### **1. Умумий қоидалар**

Ушбу тартиб акция шартлари, акцияни ўтказиш қоидалари, жойи ва вақтини белгилайди.

**Акциянинг номланиши:** «Туронбанк» АТБда мавжуд халқаро пул ўтказмалари шоҳобчалари орқали пул жўнатмасини амалга оширинг ва “Нексия 3” автомобилни ютиб олиш имкониятига эга бўлинг.

**Акция ташкилотчилари:** «Туронбанк» АТБ.

**Акция ҳудуди:** Ўзбекистон Республикаси ҳудудида, «Туронбанк» АТБнинг барча филиаллари, Марказий амалиёт бошқармаси, банк хизматлари офислари, мини – банклар ва халқаро пул ўтказмалари шоҳобчаларида ўтказилади.

**Акция ўтказиш вақти:** 2020 йилнинг 1 апрелидан 2020 йилнинг 20 октябрга қадар ўтказилади.

**Акцияда қатнашувчи пул ўтказмалари тизимлари:** “Золотая Корона”, “Contact”, “Unistream”, “Moneygram”, “Western Union” ва “SWIFT” (*SWIFT тўлов тизими орқали жисмоний шахслар томонидан пул жўнатмалари*).

### **2. Акция иштирокчилари**

Акцияда 18 ёшга тўлган Ўзбекистон Республикаси фуқаролари иштирок этишлари мумкин.

“Туронбанк” АТБда мавжуд барча халқаро пул ўтказмалари тизимлари орқали, акция шартларида белгиланган миқдорда пул жўнатмасини амалга оширган шахслар, автоматик равишда акция иштирокчисига айланишади.

Акцияда қатнашиш, акция иштирокчиларининг ушбу Қоидаларга тўлиқ розилигини англатади.

Агар иштирокчи ушбу Қоидаларга риоя қилмаса, соврин берилмайди. Совриннинг қийматига тенг пул маблағини тўлаш, совринни олиш/ундан фойдаланиш ҳуқуқини учинчи шахсларга бериш, мукофот ташкилотчи томонидан қайтариб олинмайди ва алмаштириб берилмайди.

### **3. Акцияда иштирок этиш шартлари**

Акцияда иштирок этиш учун акция ўтказилиш даврида «Туронбанк» АТБнинг халқаро пул ўтказмалари шохобчалари орқали 100 (бир юз) АҚШ доллари ва ундан юқори миқдорда пул жўнатмасини амалга ошириш зарур.

Акция ғолибининг номи октябр ойининг охириги декадасида Random.org сайтидан фойдаланган ҳолда тасодифий танлов орқали аниқланади.

#### **Акция ғолибининг мукофот олишга розилиги:**

А) акция ғолиби, ташкилотчига (*банк*) ўз биометрик паспортининг асл нусхасини тақдим этиши лозим;

Б) акция ғолиби, ташкилотчига (*банк*) солиқ тўловчининг идентификация рақами (СТИР) кўрсатилган маълумотноманинг нусхасини тақдим этиши шарт.

Агар ғолиб томонидан ташкилотчига (*банк*) тақдим этилган ҳужжатларнинг ҳақиқийлигига шубҳа туғилса, ташкилотчи уларни белгиланган талабларга мувофиқлигини текшириши ва қалбакилиги аниқланган тақдирда тегишли совринни бермаслик ҳуқуқини ўзида сақлаб қолади.

Ташкилотчига (*банк*) яроқсиз, нотўғри ҳужжатлар ёки маълумотлар тақдим этиш ҳолати аниқланса, шунингдек, танлов шартлари бузилган бўлса, ташкилотчи (*банк*) совринни олиш учун зарур бўлган ҳужжатларни имзолашдан бош тортади ва мукофот акция ғолибига берилмайди.

Ғолибларнинг акция шартларига риоя қилмасликлари, совринни олишдан бош тортиш ҳисобланади ҳамда келгусида совринни талаб қилиш ҳуқуқидан маҳрум бўлишига олиб келади.

Акция иштирокчилари ташкилотчидан (*банк*) акцияда иштирок этиш билан боғлиқ харажатларни, шу жумладан, мукофот иштирокчисига мукофот берилмаган тақдирда ва иштирокчининг акцияда қатнашишдан бош тортган тақдирда унинг қопланишини талаб қилишга ҳақли эмас.

Акция ғолиби мукофотни олиш ва ундан фойдаланиш билан боғлиқ бўлган ҳар қандай солиқ ёки мажбурий тўловларни Ўзбекистон Республикасининг солиқ қонунчилигига мувофиқ тўлаш учун жавобгардир. Акция ғолиби соврин қийматининг нақд пул эквивалентида тўланишини талаб қилишга, шунингдек, уларга бошқа товарлар ёки хизматлар кўринишида беришни талаб қилишга ҳақли эмас;

Ушбу акция билан боғлиқ барча мунозарали масалалар Ўзбекистон Республикасининг амалдаги қонунчилиги асосида тартибга солинади.

Акцияда Туронбанк ходимлари, уларнинг оила аъзолари иштирок этишлари таъқиқланади.

### **4. Соврин жамғармаси**

Асосий мукофот – “Нексия III” автомобили (4 позиция);

### **5. Акцияни ўтказиш ва ғолибни аниқлаш тартиби**

Ушбу акция ғолибини аниқлаш учун ўрнатилган тартибда Бош банк томонидан махсус Комиссия тузилади.

Акция муддати тугагандан сўнг “Чакана хизматлар кўрсатиш” департаменти беш иш кунида, акция даврида 100 (бир юз) АҚШ долларидан кам бўлмаган пул жўнатмасини амалга оширган мижозлар рўйхатини шакллантиради. Мижоз бир неча марта пул жўнатмасини амалга оширган бўлса, мижознинг Ф.И.Ш. рўйхатда шунча мартаба кўрсатиб ўтилади. Ходимлар билан ишлаш департаментига тақдим этилган рўйхатдан банк ходимлари ва уларнинг яқин қариндошлари чиқариб ташланади. Шундан сўнг, “Excel” шаклидаги акция қатнашчилари тўғрисида батафсил маълумотлар Комиссияга қуйидаги шаклда тақдим этилади:

№	Филиал	Халқаро пул ўтказмалари тизими	Ф.И.Ш.	Пул жўнатмаси миқдори (АҚШ доллари)
1	МАБ	Вестерн Юнион	Anvarov Anvar Sobitovich	100

Акция ғолиби 2020 йил октябр ойининг охири декадасида махсус комиссия томонидан аниқланади.

Ғолибнинг номи Random.org сайти ёрдамида тасодифий танлов орқали аниқланади.

Банк акция иштирокчилари билан ёзма музокаралар ёки бошқа алоқалар қилмаслик ҳуқуқини ўзида сақлаб қолади, акция ўтказишда низолар бўлган ҳоллар бундан мустасно.

Акция ғолиби ўзининг шахсий маълумотларини, акция доирасида тақдим этади ва уларни қайта ишлашга розилик беради.

Акция ғолиби ўзининг исм ва фамилияси, фотосуратлари, видео роликлари ва бошқа материалларидан ташкилотчи (банк) томонидан реклама мақсадида фойдаланиш ва мазкур материаллар учун ҳеч қандай ҳақ тўламай фойдаланишларига розилик билдиради.

Банк ўз хоҳишига кўра акция доирасидаги ҳар қандай ўзгаришлар тўғрисида, мазкур ўзгариш юз бергандан сўнг 3 (уч) банк иш кунида [www.turonbank.uz](http://www.turonbank.uz) веб-сайтига олдиндан хабар бериш орқали, ушбу Қоидаларга ҳар қандай ўзгартириш ва қўшимчалар киритиш ҳуқуқига эга. Шунингдек, ташкилотчи (банк) совринлар рўйхатини ўзгартириш ёки кенгайтириш ҳуқуқига эга.

Ташкилотчи (банк), мукофот эгасининг соғлиғига (ҳаётига), шунингдек учинчи шахсларнинг мулкига, соғлиғига ёки ҳаётига етказилган зарар учун жавобгарликни ўз зиммасига олмайди.

Ушбу акцияни ўтказиш пайтида юзага келадиган барча келишмовчиликлар Ташкилотчи (банк) ва Иштирокчи (акция ғолиби) ўртасида ўзаро тушуниш асосида музокаралар орқали ҳал қилинади. Низо вужудга келган ҳолларда, мазкур ҳолат Ўзбекистон Республикаси қонунларига мувофиқ кўриб чиқилиши керак.

Акция ғолибига қўшимча равишда, пул ўтказмасини амалга оширган яна иккита мижоз асосий ғолиб томонидан совға рад этилган тақдирда заҳира номзод сифатида танланади.

Ушбу акциянинг натижалари ва унинг ғолиблари Random.org сайти маълумотлари асосида Комиссия томонидан белгиланади, комиссия қарори протоколда қайд этилади.

Ғолибнинг номи банкнинг расмий корпоратив веб-сайтида, шунингдек банкнинг расмий ижтимоий саҳифаларида эълон қилинади.

Акция ғолиби аниқлангандан сўнг, ғолибга ташкилотчи (банк) томонидан СМС-хабарнома ёки телефон қўнғироғи орқали маълум қилинади.

## **6. Совринларни олиш тартиби ва шартлари**

Соврин Тошкент шаҳри, Шайхонтохур тумани, Абай кўчаси 4а уйда жойлашган Туронбанк АТБнинг Бош офисида тақдим этилади. Ғолиб ўзининг паспортининг асл нусхасини тақдим этиши ва совринни ғолибга топшириш билан боғлиқ зарурий ҳужжатларни имзолаши шарт. Соврин ғолибга топширилганидан сўнг банк ўз мажбуриятларини бажарган ҳисобланади.

## **7. Акция иштирокчиларига акциянинг тўхтатилиши ёки муддатидан олдин тугатилиши тўғрисида хабардор қилиш тартиби**

Акция иштирокчилари радио орқали, реклама роликларини телевидения, супермаркетлар, ресторан ва кафелардаги мониторларга жойлаштириш, интернетдаги ижтимоий тармоқларда ва банкнинг ижтимоий саҳифаларида жойлаштириш орқали, акциянинг амалга ошириш шартлари ва тартиби тўғрисида хабардор қилинадилар.

Ушбу акция тўғрисида батафсил маълумот, шунингдек акция қоидалари банкнинг корпоратив веб-сайтида жойлаштирилади: [www.turonbank.uz](http://www.turonbank.uz)

Акция муддатидан олдин тугатилганда, уни ўтказиш муддати узайтирилганда ёки Қоидаларга ўзгартириш киритилган тақдирда, тегишли маълумотлар ўзгартиришлар кучга кирадиган санадан 10 кун олдин Банкнинг [www.turonbank.uz](http://www.turonbank.uz) сайтида жойлаштирилади.

Киритилди:

**Чакана хизматлар кўрсатиш  
департаменти директори**

**Б.Б. Васиханов**

Эксперт гуруҳи раҳбари:

**Бошқарув Раисининг биринчи  
ўринбосари**

**А.Т. Ташев**

Эксперт гуруҳи аъзолари:

**Бошқарув  
Раиси ўринбосари**

**А.Т. Рискулов**



Бошқарув  
Раиси ўринбосари

С.Т. Калдибаев

Бухгалтерия ҳисоби ва молиявий  
ҳисобот департаменти  
директори – Бош бухгалтер

Ш.Э. Бозоров

Банк аппарати рахбари

И.Т. Саламов

Юридик департаменти  
директори

Б.Н. Арипов

Ходимлар билан ишлаш  
департаменти директори

Ш.А. Ибрагимова

Кредитлаш департаменти  
директори в.в.б.

Н.Х. Рахманов

Лойиҳаларни молиялаштириш  
ва инвестиция фаолиятини  
мувофиқлаштириш  
Маркази директори

А.А. Абдураззоков

Банкни стратегик ривожлантириш  
ва маркетинг департаменти  
директори в.в.б.

Ф.А. Рузикулова

Банк рискларини бошқариш  
департаменти директори

С.О. Сафаров

Ташқи иқтисодий фаолият  
департаменти директори

Б.Т. Шамуратов

Ахборот технологиялари  
департаменти директори

З.Я. Ибрагимов

Ички аудит департаменти  
директори в.в.б.

Э.Б. Бегматов

Ҳазначилик ва қимматли қоғозлар  
департаменти директори

Д.А. Рустамов

Ички назорат департаменти  
директори

Ў.И. Тангиров

Банк хавфсизлиги ва ахборотларни  
муҳофаза қилиш бошқармаси  
бошлиғи

А.У. Ходжакбаров

Ишлар бошқармаси бошлиғи

А.А. Шаққулов